

## Verkefnasamningur Héraðssambands Vestfirðinga og Ísafjarðarbæjar

---

Ísafjarðarbær kt. 540596-2639, Hafnarstræti 1, 400 Ísafirði og Héraðssamband Vestfirðinga kt. 490500-3160, hér eftir nefnt HSV, Suðurgötu 12, 400 Ísafirði, gera með sér svohljóðandi verkefnasamning:

### 1. gr.

#### Markmið og verkefni

Ísafjarðarbær felur HSV að taka að sér skilgreind verkefni á vegum sveitarfélagsins til að renna enn styrkari stoðum undir íþrótt- og æskulýðsstarfsemi á vegum HSV.

HSV samþykkir að taka að sér verkefni þau er getið er um í fylgiriti með samningnum. HSV ber ábyrgð á því að verkefnin séu unnin og ber Ísafjarðarbæ að koma öllum athugasemdum er varða verkefnin til framkvæmdastjóra HSV. Fyrir árlega endurskoðun skilar HSV skýrslu til Ísafjarðarbæjar um þau verkefni sem unnin hafa verið á árinu.

Ísafjarðarbær getur falið HSV að vinna önnur verkefni en tilgreind eru í fylgiritinu sé HSV samþykkt því. Aðilar munu semja sérstaklega um greiðslur fyrir slík verkefni.

### 2. gr.

#### Upphæðir og greiðsla

Ísafjarðarbær greiðir HSV kr. 8.000.000,- árlega í jöfnum mánaðarlegum greiðslum. Upphæðin skal verðbætast frá 1. janúar ár hvert með neysluverðsvísitölu til verðtryggingar frá upphafsdegi. Grunnvísitala samnings er 513,0 stig í janúar 2022.

HSV skal skila reikningum rafrænt á XML-formi í gegnum skeytamiðlara til Ísafjarðarbæjar fyrir 10. hvers mánaðar. Ísafjarðarbær mun greiða samþykkt reikninga eigi síðar en 20. hvers mánaðar.

### 3. gr.

#### Umsjón og ráðstöfun framlags Ísafjarðarbæjar

Með samningi þessum felur Ísafjarðarbær HSV að hafa umsjón með þeim verkefnum sem getið er um í 1.gr.

Stjórn HSV sér um að ráðstafa verkefnum og fjárhæðum þeim tengdum á milli félaga með tilliti til umfangs barna- og unglिंगastarfs þeirra, enda hafi HSV eftirlit með því að slíkt starf fari fram hjá viðkomandi félögum.

HSV skal undirrita verkefnasamninga við aðildarfélög sín þar sem þeim eru falin þau verkefni er getið er í fylgiriti samningsins.

### 4.gr.

#### Gildistími

Gildistími samnings þessa er 1. janúar 2022 til og með 31. desember 2025.

AP

5. gr.

**Önnur atriði**

Tengiliður Ísafjarðarbæjar er sviðsstjóri skóla- og tómstundasviðs.  
Tengiliður HSV er framkvæmdastjóri HSV.

Uppsögn samnings þessa skal vera skrifleg og send með sannanlegum hætti. Uppsagnarfrestur af hálfu beggja aðila er þrjú mánuðir.  
Samningur þessi er gerður í tveimur samhljóða eintökum, eitt handa hvorum samningsaðila.  
Rísi mál vegna samnings þessa skal það rekið fyrir Héraðsdómi Vestfjarða.

Ísafjörður, 25. apríl 2022

  
F.h. Héraðssambands Vestfirðinga

  
F.h. Ísafjarðarbæjar

Vottar að réttri dagsetningu og undirritun

\_\_\_\_\_  
\_\_\_\_\_

# Skilgreining verkefna - fylgirit

## 1 Skíðavikan – árlegur viðburður um páskana.

Vinna við viðburði í tengslum við skíðavíkuna í samstarfi við menningarmálanefnd og/eða verkefnisstjóra. Viðkomandi félag/félög sjá um að skipuleggja og framkvæma eftirfarandi viðburði:

**Páskaeggjamót:** Panta páskaegg og ganga frá samningum við styrktaraðila um það. Koma eggjunum á sinn stað. Vera í sambandi við svæðisstjóra um hvar mótið verði haldið, útbúa brautir á Seljalandsdal og í Tungudal. Fá lánuð tæki og tól sem til þarf við brautargerð. Sjá um framkvæmd mótsins og afhenda páskaegg. Ganga frá að móti loknu. Mótið er ætlað 12 ára og yngri. Ef samningur fæst ekki við styrktaraðila gæti mótið fallið niður.

**Garpamót:** Vera í sambandi við svæðisstjóra um hvar mótið verði haldið, útbúa brautir á Seljalandsdal og í Tungudal. Fá lánuð tæki og tól sem til þarf við brautargerð. Sjá um framkvæmd mótsins og afhenda verðlaun/páskaegg fyrir fyrstu þrjú sætin í hverjum flokki. Kaupa páskaegg. Ganga frá að móti loknu. Mótið er ætlað 30 ára og eldri.

**Furðufatadagur:** Umsjón með grilli. Útvega hráefni, grill og vinna við grillun og sölu. Útvega borð og fá leyfi fyrir rými undir söluna. HSV/félagið fær ágóðann af sölunni.

**Snjóbrettamót:** Vera í sambandi við svæðisstjóra um hvar mótið verði haldið og útbúa braut í Tungudal. Fá lánuð tæki og tól sem til þarf við framkvæmdina. Sjá um framkvæmd mótsins og afhenda verðlaun fyrir fyrstu þrjú sætin í stelpu- og strákaflokki. Kaupa verðlaun. Ganga frá að móti loknu. Mótið er ætlað unglingum 12 ára og eldri.

**Fjallaskíðamót:** Vera í sambandi við svæðisstjóra og skíðavíkustjóra um hvar mótið verði haldið og útbúa braut. Fá lánuð tæki og tól sem til þarf við framkvæmdina. Sjá um framkvæmd mótsins og afhenda verðlaun fyrir fyrstu þrjú sætin. Kaupa verðlaun. Ganga frá að móti loknu. Mótið er öllum opið.

**Skíðaskotfimi:** Vera í sambandi við svæðisstjóra um hvar mótið verði haldið, útbúa brautir á Seljalandsdal og í Tungudal. Fá lánuð tæki og tól sem til þarf við brautargerð. Sjá um framkvæmd mótsins og afhenda verðlaun. Ganga frá að móti loknu.

**Kakósala á setningunni:** Útvega og sjá um söluna. Útvega borð og fá leyfi fyrir rými undir söluna. HSV/Íþróttafélag fær ágóðann af sölunni.

**Flöggun á skíðasvæðinu og Ísafirði á meðan á skíðavíku stendur** í samstarfi við þjónustumiðstöð Ísafjarðarbæjar, sem setur upp og útvegar fánastangir og íslenska fána. Fánar dregnir upp að morgni og niður að kvöldi frá miðvikudagskvöldi til mánudagskvölds. HSV/Íþróttafélag skal hafa samband við þjónustumiðstöð á opnunartíma hennar.

## 2 Þrif á fjörum að vori.

**Ísafjörður** - frá flugvelli að Skarfaskeri. Verkið skal unnið að vori og vera lokið 10. júní ár hvert. Ganga þarf fjörunnar þegar fallið er út og tína allt það sem fjarlægja má með handafli. Koma ruslinu inn í Funa eða á gámasvæði á vegum Ísafjarðarbæjar.

**Suðureyri** - hafnarsvæðið frá gámasvæði að brjót. Verkið er unnið fyrir Sæluhelgi á Suðureyri. Ganga þarf fjörunnar þegar fallið er út og tína allt það sem fjarlægja má með handafli. Koma ruslinu í Funa - eða gámasvæði á vegum Ísafjarðarbæjar.

Ab

## Verkefnasamningur Ísafjarðarbæjar og Héraðssambands Vestfirðinga

Flateyri - í kringum eyrina. Verkið unnið að vori. Ganga þarf fjörurnar þegar fallið er út og tína allt það sem fjarlægja má með handaflí. Koma ruslinu í Funa eða á gámasvæði á vegum Ísafjarðarbæjar.

Þingeyri - í kringum byggðina. Verkið skal unnið fyrir Dýrafjarðardaga. Ganga þarf fjörurnar þegar fallið er út og tína allt það sem fjarlægja má með handaflí. Koma ruslinu í Funa eða á gámasvæði á vegum Ísafjarðarbæjar.

### 3 Umsjón með golfvöllum

Hafa umsjón með golfvöllum í Tungudal og Meðaldal. Sjá um nauðsynlegt viðhald á völlum s.s. slátt, vökvun og áburðargjöf. Halda svæðunum snyrtilegum.

Til viðbótar fá félögin/félagið rekstrarstyrk, eitt stöðugildi á hvorn golfvöll í 5 mánuði, greiddan beint frá Ísafjarðarbæ. Laun eru greidd miðað við launaflokk 121 samkvæmt samflotssamningum. Þá fá þeir unglinga frá Vinnuskóla Ísafjarðarbæjar til aðstoðar við umhirðu vallanna þær vikur sem hann starfar. Unglingarnir verða í umsjón þeirra meðan á vinnu þeirra stendur.

Sjá um slátt og aðra umhirðu á þúttvöllum á Torfnesi sem hér segir. Völlinn skal slá þrisvar í viku frá 15. maí til 15. september. Áburð skal bera á völlum 5 sinnum yfir sumarið og hann gataður einu sinni yfir sumarið. Völlurinn verði slæsaður tvisvar yfir sumarið og sandaður a.m.k. 2. sinnum yfir sumarið. HSV ber ábyrgð á að völlum verði vökvaður eins og nauðsynlegt er. Ísafjarðarbær mun sjá um kaup á áburði, fræi og sandi og leggja til áburðardreifara. Ísafjarðarbær mun sjá um hreinsun á runnum og umhverfi vallarins. Sjái um opnun og lokun vallarins yfir sumarmánuðina.

### 4 17.júní

Vinna að undirbúningi og framkvæmd hátíðarhalda í samstarfi við menningarmálanefnd og/eða verkefnisstjóra. Vinna við uppsetningu sviðs á hátíðarsvæði, þríf meðan á hátíðinni stendur og að henni lokinni, flöggun, flutning hljóðkerfis á svið hátíðarsvæðis og önnur tilfallandi verk sem verkefnisstjóri hátíðarinnar felur þeim. Setja upp og halda utan um ratleik. Sjá um andlitsmálningu. Skipuleggja og sjá um kassabílarallí eða sambærilega skemmtun. Fá hestamenn til að teyma hesta undir börn. Setji upp snyrtileg sölutjöld, sjá um söluna, útvega aðföng og búnað sem til þarf. Sölutjöld skulu vera í gangi að hátíð lokinni, ef kvölddansleikur er á öðru svæði en hátíðarsvæði þarf einnig að setja upp sölutjald/sölubás þar. HSV/Íþróttafélag fær ágóðann af sölunni.

### 5 Þríf eftir áramót

Þríf á flugeldum og drasli. Verkið unnið fyrstu daga janúarmánaðar (2.-3. janúar), snjóí strax eftir áramótin þarf að fylgjast með veðri og hreins drasl um leið og mögulegt er. Þríf eru í öllum byggðakjörnum Ísafjarðarbæjar og skulu allar götur og opin svæði hreinsuð. Koma ruslinu í Funa eða á gámasvæði Ísafjarðarbæjar.

AP

## 6 Vinna við knattspyrnusvæði

Umsjón með vallarsvæðinu á Torfnesi. Gæsla á leikjum bæði á velli og inni í húsi og. Sjá um að opna og loka vallarhúsi/íþróttahúsinu á Torfnesi fyrir og eftir leiki/æfingar sem fram fara utan venjulegs dagvinnutíma. Ganga frá og þrifa svæðið eftir leiki. Gæsla á leikjum í Vallarhúsi og íþróttahúsinu á Torfnesi þegar við á. Halda auglýsingaskiltum í þannig ástandi að þau séu svæðinu til sóma.

## 7 Vorþrif

Ruslahreinsun frá Túngötu á Ísafirði og niður á Suðurtanga. Sérstök áherlsa á gömlu húsin í Neðsta, sunnantil á eyrinni, sjúkrahústúnið og Jónsgarð. Einnig kringum göngustíginn neðan við Sólborg. Tína rusl opnum svæðum, götum, gangstéttum og runnum og koma ruslinu í Funa eða á gámasvæði Ísafjarðarbæjar.

AT